

# 《大乘方廣曼殊室利菩薩華嚴本教闍曼德迦忿怒王真言大威德儀軌品》

## CBETA 電子版

版本記錄: 1.1

完成日期: 2002/11/04

發行單位: 中華電子佛典協會 (CBETA) [cbeta@ccbs.ntu.edu.tw](mailto:cbeta@ccbs.ntu.edu.tw)

資料底本: 大正新脩大正藏經 Vol. 21, No. 1215

### No. 1215

#### 大乘方廣曼殊室利菩薩華嚴本教闍曼德迦忿怒王真言大威德儀軌品第三十

爾時金剛手大藥叉將。在彼眾會從座而起。偏袒右肩右膝著地。於佛世尊合掌禮敬。而白佛言世尊。曼殊室利童真不廣說闍曼德迦忿怒王。我觀未來有情。如來涅槃後佛教隱滅。大恐怖末法之時。無聲聞緣覺遠離佛剎。護持正法故法界久住故。制伏一切難調悖逆偽王故。不利益三寶者。菩薩善巧以此不思議法。治罰調伏滿足故。以不思議法成熟離惡趣故。於佛法磨滅時。令住持佛法者依法教。持誦闍曼德迦忿怒王皆悉決定成就。不益於佛教有情及悖逆偽王。於佛教不益者有情。應用闍曼德迦忿怒王非餘類者。爾時世尊默然入遊戲神通加持三昧。曼殊室利菩薩亦寂默而住。一切集會眾六種震動。天眾皆悉驚忙惶怖。一切天龍阿修羅王。及諸母天一切曜等并天人眾。彼等震動心生苦惱。惡心布單那暴惡者。並皆歸依法王教及祕密主藥叉金剛手大威德。及歸依曼殊室利童真真言三麼耶。彼等咸作是言。曼殊室利願垂哀愍救護。我等被此忿怒真言燒爍。我輩皆受楚苦悶絕擗地。時大威德以曼殊室利童子形。而作是言

諸天等勿怖	藥叉羅剎娑
及諸修羅眾	我說三昧耶
無能違越者	人非人鬼神
及諸部多等	汝等發慈心
咸念正等覺	法王兩足尊
釋師子仁王	彼佛說真言
佛頂佛眼等	於三界中輪
光聚勝高頂	最勝頂真言
蓮華手觀音	聖觀自在尊
毘俱胝多羅	名稱明妃尊
白衣及大白	野輪嚙底時
威德馬頭尊	蓮華族明王
最勝佛流出	一字轉輪王
真言中主宰	應念天中天
明主大威猛	大忿闍曼德
亦念觀自在	從心起悲愍

先佛故宣說  
觀自在所說  
聖者現女形  
行於菩提行  
復於無數剎  
拔濟諸有情  
調伏皆令順  
為諸菩薩說  
勤勇真言王  
三界應供者  
金剛拳名稱  
青棒恐怖形  
忿怒名天師  
若念便加護  
菩薩大威德  
大威德長子  
是時若憶念  
復當常憶念  
最勝藥叉王  
咸皆離諸怖  
即得大加護  
色無色諸天  
供養三寶者  
彼皆無所有  
則名三昧耶  
此忿怒中勝  
遍護諸有情  
咸皆生歡喜  
佛子皆稱讚  
藥叉主忿怒  
無數千世界  
何故諸佛子  
忿怒王威德  
在於大眾中  
金剛手言已

多羅救有情  
住悲三麼地  
是菩提薩埵  
於諸千世界  
遊歷諸苦難  
持妙色女容  
安立菩提乘  
應念金剛手  
持族麼莫鷄  
鉤鎖彌佉羅  
忿怒妙月靨  
如是使者眾  
金剛族最勝  
世間中香象  
得大勢菩薩  
普賢端嚴尊  
遠離諸恐怖  
寶賢大自在  
聲聞緣覺眾  
若供養彼等  
廣果及福生  
離欲大威德  
淨信於佛教  
友非友怖畏  
諸真言難越  
閻曼德所說  
一切天人眾  
各住於本誓  
聞此凌忽言  
於彼時振動  
忿怒王無益  
而已先宣說  
調伏暴有情  
高聲而告令  
棄擲金剛杵

則彼大威德  
童子形嗤誚  
勿惡大藥叉  
我所說此聖  
我今授與汝  
汝豈盡能述  
是汝所任持  
攝召咸來集  
不能現變化  
聽汝廣宣說  
不澡浴耽眠  
塗油貪盥飾  
棄捨勝真言  
疑惑於正法  
於妙法僧寶  
穢污於三寶  
不密真言教  
天室寺道場  
如是諸類等  
破三昧耶禁  
乃至微虧行  
人間一切處  
放逸心染著  
忿怒王得便  
隨順於放逸  
應離欲解脫  
忿怒王能逼  
說如是語已  
及菩薩大威  
寂默而安住

妙音智慧尊  
復作如是言  
金剛手威德  
怒王大自此  
恣意而廣說  
忿怒王威德  
如在身中現  
心明復問答  
忿怒阿尾奢  
除捨三摩耶  
隨順於愛慾  
瞋怒心常恒  
不淨信佛教  
惡行不淨信  
謗毀心散動  
非清淨境界  
常穢無哀愍  
於中穢污行  
忿怒皆摧壞  
不知相應明  
忿怒皆治罰  
不可免放逸  
若毀三昧耶  
愚夫一切處  
修行真言者  
如聲聞緣覺  
曼殊悲愍心  
諸佛難思行  
作如是語已

爾時吉祥大威德金剛手菩薩。既蒙印可踊躍歡喜。復引手捫持金剛杵